

Eduard Pieters di PPA:
**UN BIAHE PRIVA, UN LEY
CLA Y HOPI PREGUNTA
SIN CONTESTA**



WWW.SOLODIPUEBLO.COM



SOLODIPUEBLO@GMAIL.COM

Parlamentario Xiomara Maduro ta
pidi claridad na Minister di Finansa

RIBA E DESTINO DI E SURPLUSNAN DI E FONDONAN SOCIAL SVB Y AZV



Fraccion di MEP

FRACCION DI AVP HOPI SWAK DEN PARLAMENTO DI 9, TA 1 SO A MUSTRA INTERES DEN REUNION



BRANDWEER CU BUNITA RESCATE DI PUSHI PROME CU PASCO

Fraccion di MEP

FRACCION DI AVP HOPI SWAK DEN PARLAMENTO

DI 9, TA 1 SO A MUSTRA INTERES DEN REUNION

ORANJESTAD - Diaranson ultimo Parlamento a trata e presupuesto 2026. Loke a hala hopi atencion tabata e falta di interes di e Parlamentarionan di AVP pa un topico asina importante. Di 9 parlamentario ta 1 so a hiba palabra.

Desde cu e reunion a cuminsa, ta parlamentarionan di MEP so tabata mustra interes den e reunion. Esnan di AVP no a firma e lista di

orador y casi no tabata presente den sala. Fraccion di MEP a hala atencion di e presidente na algun ocasion.

Mescos a pasa den reunion di presupuesto supletorio di 2025, tampoco nan a mustra interes.


Ta obvio cu e demas 8 parlamentarionan no a ni studia e presupuesto 2026, y no tabata interesa pa haci ningun comentario, ni elogio. Algo nunca antes bisto. Semper parlamentarionan di coalicion ta defende e presupuesto. Pero den AVP

no tabata tin e interes.

Parlamentario Jennifer Arends-Reyes ta e unico cu a hiba palabra, pero di forma hopi bruha.

Ta obvio cu AVP ta bou di hopi presion di e kiebrow eminente cu Mike de Meza. E fraccion a laga nan colega Mike de Meza cay pa di dos biaha den un siman, y a scohe pa acomoda nan partner den coalicion Gerlien Croes.

Cualquier cu ta e motibo, ta un berguensa grandi e falta di interes di e



parlamentarionan di AVP, ta saca potret. Wat een cu unico cos nan ta haci, afgang!

BRANDWEER CU BUNITA RESCATE DI PUSHI PROME CU PASCO



Paradera - Diabierna den oranan di mainta un parti di caminda cu ta pasa dilanti Nos Paraiso Kleuterschool na Paradera a wordo cera.

E motibo? Pa bomberonan rescate un pushi cu a dicidi di subi riba e poste di luz, si te ariba unda e lampi ta.

Dos unidad di Brandweer a presenta, unda cu despues



cu ayudo di polis a cera e caminda pa e bomberonan por a haci e rescate.

Tur cos a bay bon danki Dios.

Y na final por a mira e pushi

cana bay pariba manera nada un pasa. Algun hende presente a klap man pa e bunita trabou.

Fraccion di MEP

Defensa di Minister Gerlien Croes ta full fout

NO TA UN BIAHE PRIVA, TA UN BIAHE DI TRABOU, PA TRABOU, CU CONSEHERO DEN AVION PRIVA E mester duna cuenta!



ORANJESTAD — Minister Gerlien Croes a purba defende su mes e siman aki den Parlamento. Laga nos analisa su defensa.

Ta un biahe priva, mescos cu si e bay Subway y Parlamento no tin nada di cuestiona

E minister a declara cu el a paga e biahe cu avion priva for di su propio placa, y cu pa e motibo ey no tin obligacion di duna mas explicacion ni prueba. E pensamiento ey ta fout! Den nos sistema parlamentario, responsabilidad ministerial no ta depende di ken a paga. Loke ta esencial ta cu aki nos ta papia di un biahe oficial den funcion, cu el'a realisa hunto cu su consehero, realisa cu un medio di transporte

special y hopi caro: un jet priva. Bo no por compare cu bay supermercado, manera e minister kier pa Parlamento kere. Esaki ta crea automaticamente pregunta riba integridad, independencia y transparencia. Un simple declaracion cu “mi mes a paga” por lo tanto no ta suficiente.

E ta insisti cu el'a paga pa e biahe, “algun cien florin” pa comparti gasto di e avion

Sin claridad riba na ken a paga, cuanto a paga y ki dia a paga, Parlamento no por sin mas acepta e declaracion ey. Ademas, sin claridad, e ta stroba Parlamento di evalua si e pago a wordo haci conforme balor di mercado, of si tin indicacion di un regalo of

beneficio. Pasobra e codigo di conducta ministerial ta duna un interpretacion amplio na e palabra “regalo”, un regalo ta tambe ora bo paga 100 florin pa algo cu bal 1000 florin. Den e caso ey e diferencia, 900 florin ta wordo considera como regalo. Esey nan ta principian huridico basico. Si locual cu el'a bisa ta berdad, algo cu ainda e mes no por a prueba, cu el'a paga algun cien florin, pa algo cu bal algun mil florin, e ora e mester a meld e beneficio, e regalo cu el'a haya, esta e diferencia entre locual cu el'a paga, y locual e balor di e biahe ta. Un persona cu awe book un vuelo den jet priva pa Corsou, ta paga rond di 4000 florin. Si e minister a paga “algun cien florin”, definitivamente tin

un beneficio, un regalo. Mester raporta e beneficio, e regalo

Segun e Codigo di Conducta di Minister, e mester meld e regalo y meld di ken el'a haya e regalo, serca Prome Minister. Pakico? Pa asina por controla si mayan e ta paga e “fabor” aki bek cu permiso of otro forma. Prome Minister Mike Eman a declara den Parlamento cu e no a ricibi ningun melding di Minister Gerlien Croes. Pues aki e Minister Gerlien Croes ta violando e Codigo di Conducta di Ministernan. Ademas, e Codigo di Conducta aki ta stipula cu un minister no mag di ricibi un regalo cu bal mas di 250 florin, y den e caso aki, minister Gerlien Croes su beneficio ta mas halto cu 250 florin. Basa riba tur esaki mester



conclui cu Minister Gerlien Croes su defensa ta full fout. Fraccion di MEP lo sigui cu e investigacion parlamentario, y lo bay suminstra tanto Bureau Integriteit Aruba (BIA) como Ministerio Publico (OM) mas informacion pa nan tambe por sigui cu nan investigacionnan independiente.

Clasificados

SOLODIPUEBLO@GMAIL.COM

CEL. 585 9500

Parlamentario Eduard Pieters (PPA): “ORA AROGANCIA GANA, PARLAMENTO TA PERDE SU BOS!”

“Confiansa ta e balor di mas importante den politica.” Cu e conviccion aki, Eduard Pieters a splica dicon fraccion di PPA no por a sostene e Ley di Presupuesto 2026. No pasobra e numbernan no ta corecto, sino pasobra e manera con gobierno a trata Parlamento. Ora un gobierno no ta contesta e preguntanan legitimo di un parlamentario, transparencia ta muri y confiansa ta sigui e mesun destino.

Un Presupuesto cu riba papel ta sano

Pieters no a sconde di reconoce e hecho: “Criticamente lesa, e presupuesto ta cumpli cu e ley di LAFT.” Aruba tin surplus atrobe, e norma di 1% ta respeta, e sector colectivo ta saludabel y e schuld quota a baha. “Nos ta riba e bon caminda di maneho financiero,” el

a afirma. Precisamente p’esey, fraccion di PPA tabata cla, den prome instante, pa duna sosten na e presupuesto.

E momento cu arogancia a interveni

Pero algo a cambia na caminda. Gobierno a bin cu cambio repentino, un Nota di Cambio, pa ignora loke a wordo trata dialuna. Un cambio “manera un djaca den anochi,” cu un meta cla: hala e LIM un banda y ignora e amienda historico, cu ta pidi igualdad den Reino Hulandes. “Bo ta coy e LIM, cu Parlamento a vota pro y bo ta pone esaki un banda pa haci loke bo kier,” Pieters a critica duramente.

Burla di Parlamento

Segun Pieters, esaki no ta solamente un diferencia di opinion politico; esaki ta un burla directo di Parlamento.



“Bo ta busca un manera tecnico-huridico pa hala Parlamento un banda,” el a bisa. E mensahe ta peligroso: e organo mas halto di pais, e bos di pueblo, ta minimalisa ora no ta cumbini. Incluso a laga nan mesun colega Mike de Meza cay, un acto cu Pieters a yama “un señal claro di falta di respet interno, institucional y constitucional”

Transparencia no ta

opcional

“Ta cu placa di pueblo nos ta bezig,” Pieters a recorda. Como parlamentario, su deber ta pa salvaguardia bienestar general y maneho financiero responsabel di e placa di belasting. Pero sin contesta, sin aclareacion y sin profundisacion, sosten ta bira imposibel. Transparencia no ta un opcion politico; e ta un obligacion democratico.

E decision di PPA pa no

sostene e Presupuesto 2026 no ta un acto di oposicion sin mas.

E ta un stand pa principio. “Ora gobierno ta burla Parlamento y ta muestra arogancia pa haci loke nan kier,” Pieters a conclui, “democracia ta perdi!”

Aruba no mester menos presupuesto; Aruba mester mas respet pa Parlamento, pa pueblo y pa e reglanan cu nos mes a pone.

OM CERA DI 22 DI DECEMBER 2025 TE 2 DI JANUARI 2026



Balie di Ministerio Publico ta cera relaciona cu e dianan di fiesta desde 22 di december 2025 te cu 2 di januari 2026. Tuma nota: durante e periodo aki pagonan online ta sigui posibel. Riba 5 di januari 2026 Ministerio Publico lo habri su portanan pa publico atrobe y balie lo ta

para cla pa gustosamente sirbi e ciudadano.

Ministerio Publico ta conta riba comprension pa e ceramento temporal aki y ta desea un y tur dianan di fiesta prospero y contento. Nos ta look forward pa por atende bo persona na 2026.

Clasificados



SOLODIPUEBLO@GMAIL.COM
CEL. 585 9500



PARLAMENTARIO XIOMARA MADURO TA PIDI CLARIDAD NA MINISTER DI FINANSA RIBA E DESTINO DI E SURPLUSNAN DI E FONDONAN SOCIAL SVB Y AZV

E fondonan social di Aruba, SVB y AZV, tin pa algun aña caba un resultado financiero hopi positivo cu a resulta den surplusnan structural. Tabata e vision di MEP pa e extra fondonan aki a keda na SVB y AZV cu bista riba e sostenibilidad di e fondonan aki pa futuro. E supervisor financiero CAFT tin e pensamiento cu e extra fondonan aki mester bay pa Gobierno pa asina por baha e debe di Aruba mas lihe. Sinembargo, den e opinion di e Gobierno di MEP e fondonan extra mester keda na SVB y AZV pa asina por evita cu mester bay hisa e edad di pensioen of corta den e pakete di cobertura di AZV den e tempo nos dilanti.

E Gobierno di AVP y FUTURO tin un otro pensamiento y esaki lo por tin efecto riba e surplusnan

di e fondonan social aki. Ta trata di e anuncio di Minister Eman cu lo hisa e pensioen di AOV, y tambe cu lo baha e prima di AZV pa nos grandinan. Tur dos desicion por tin un efecto financiero grandi y ta pone cu e surplusnan di e fondonan social lo wordo afecta. Banda di esaki Minister Wever a splica Raad van Advies cu Gobierno lo kier haci uzo di e surplusnan di e fondonan social aki pa por baha e debe di Pais Aruba manera CAFT ta sugeri.

Esaki tambe ta un desicion cu ta afecta e finansa di SVB y AZV. Pa e motibo aki Parlamentario Xiomara Maduro a haci pregunta na Minister Wever di Finansa pa asina por haya mas claridad riba e destino di e surplusnan di e fondonan social SVB y AZV.

Segun Minister Wever den aña 2025 ainda no lo bay



haci uzo di e suprlus di e fondonan social pa por yuda pa baha debe di Aruba via “schatkistbankieren.” Pa locual ta e decision di Eman pa hisa pensioen di SVB y kita e prima di AZV pa e pensionado, esey si Minister Wever no a splica con esaki lo wordo

financia.

E mandatario a referi na Minister Eman pa haya splicacion, locual ta basta inusual, ya cu ta Minister di Finansa mester por splica esaki. Di tur manera e ta keda importante pa Pueblo haya sa con e desicionan di

Eman lo afecta e desaroyo di e fondonan social, pasobra mester por sigura cu no mester bay hisa edad di pensioen of corta den e pakete di cobertura di AZV den e tempo nos dilanti.

FIN DI AÑA TA DUSHI... PERO CUIDA BO MES

E fiestanan ta serca y tur caminda bo ta wak e imagen ta wordo pinta cu hopi gezelligheid manera bunita luz, dushi cuminda y momentonan perfecto.

Pero hopi hende ta experiencia e otro banda tambe: mas presion, mas compromisonan, mas di cosnan cu “mester”. Prome cu bo por bisa tur hende “bon pasco” ya e temporada aki ta sinti mas mane un marathon y menos mane un temporada di sosiego y reflexion.



AFTA TA SIGUI SUPERVISA E MERCADO DI REAL ESTATE – CONSUMIDONAN POR NEGOCIA E COMISION

Oranjestad, december 2025 – Aruba Fair Trade Authority (AFTA) a hasi un investigacion riba companianan di real estate. Te cu februari 2024, e Association of Aruban Realtors (AAR) tabata tin acuerdonan di comision cu ta prohibi. Pero despues di un reunion cu AFTA, AAR a revoca su guia di comision. AFTA a sigui supervisa e mercado di real estate pa verifica si e conductanan aki a keda den pasado. E meta di e investigacion aki tabata pa determina si companianan di real estate ta cumpli cu e reglanan despues di revocacion di e guia di comision.

E resultado di e investigacion:

- Mas o menos 48% di companianan di real estate ta sigui usa un tarifa standarisa, mayoria ta usa un porcentahe di 5%.

74% di e companianan di real estate ta usa un reparticion fiho di e comision, normalmente 50/50 entre agentenan di real estate.

Kiko ta un acuerdo di prijs?

Un acuerdo di prijs ta ora companianan cu ta competido di otro ta acorda cu otro pa cobra e mesun prijs, porcentahe of reparticion. Por ehempel: ora companianan di real estate ta acorda pa cobra semper e mesun comision di 5%. E acuerdonan aki entre companianan ta prohibi, pasobra eta elimina of limita concurrencia cu consecuencia cu consumidonan ta paga mas. Tin biaha competidonan no ta acorda cu otro por escrito, pero nan ta cobra mesun comision of porcentahe paso nan ta acorda cu otro na un manera informal of comparti informacion confidencial di nan compania. Esaki ta perhudica e consumo

pa nan por negocia un miho prijs. Esaki tambe ta prohibi. Pa un competencia husto y efectivo ta importante pa companianan determina nan comportacion riba un manera independiente di nan competido.

Kiko esaki ta nifica pa abo como consumido?

- **Ta bo derecho pa negocia e comision di e agente di real estate.**

- Bo mag puntra con e tarifa ta wordo determina y cual servicionan ta inclui den e tarifa.

- Bo por compara y busca e compania di real estate cu tin un comision cu ta fit bo presupuesto. Roly Sint Jago: “E directiva di AFTA a dicidi pa sigui supervisa e mercado di real estate pa evita acuerdonan prohibi entre



E acuerdo di e tarifa ta vigente desde 1 di januari 2024. Nos ta investiga mercadonan y ta tuma accion pa preveni acuerdonan anti-competitivo y abuso di posicion di poder. Y si ta necesario impone boet pa e tipo di conductanan aki. Pa mas informacion por bishita nos website na www.afta.aw

DIRECTIE NATUUR EN MILIEU (DNM) LO TA CERA PA E TEMPORADA DI DIANAN DI FIESTA



ORANJESTAD - Den cuadro di e dianan di observacion y celebracion di Pasco di nacimiento y fin di año 2025, DNM su oficina

situa na edificio monumental di Uncle Louis Store na B. v/d Veen Zeppenfeldt straat#7, San Nicolas lo ta cera pa publico desde dialuna 22 di december 2025. DNM lo ta habri bek dialuna 5 di januari 2026.

Pa cualkier eventualidad por manda nos un mensahe via nos plataforma di Facebook messenger #dnmaruba of via email info@dnm-aruba.org. Pa cualkier ‘melding’ cu emergencia cu tin di haci cu naturalesa y medio ambiente por haci esaki via KPA Polis.

Nos ta na drempel di fin di año 2025. Nos a sirbi nos dushi pais y nos a crece como persona. Cu placer nos ta wak bek riba un año unda nos a haci un stap mas den un direccion unda naturalesa ta mas inclui.

Danki pa sostene nos trabou. DNM ta desea un y tur feliz dianan di fiesta, feliz dianan di Pasco y un Prospero Año Nobo unda naturalesa ta sigui prospera den 2026; ta e sincero deseo di team Directie Natuur en Milieu Aruba.

Parlamentario Evelyn Wever-Croes

Awor cu tin surplus

GOBIERNO MESTER INVERTI DEN NOS HOBENNAN CU TA ARUBA SU FUTURO GENERACION



ORANJESTAD – Durante e reunion den Parlamento, Parlamentario Evelyn Wever-Croes a elabora riba e topico di nos hobennan. El a indica di ta traha cu un grupo di hoben y entre nan ta sinti e miedo cu nan tin pa extende nan famia, y pa inverti den pais Aruba.

Parlamentario Wever-Croes aplica cu a identifica 3 area hopi importante pa e hobennan, y ta spera cu e extra surplus por wordo uza pa e areanan aki. E tres areanan ta vivienda, disponibilidad di trabou cu nan ta haya interesante, y e gastonan involvi na momento cu forma un hogar.

Vivienda

Hobennan awendia ta desea di tin nan mesun hogar. E no mester ta un cas grandi pero un apartamento of cas chikito pa nan por biba. Gobierno di Gabinete Wever-Croes a aloca mas di 20 miyon

florin den presupuesto di 2025 pa FCCA por a cuminsa traha 100 cas, pero lamentablemente e Gobierno aki den e prome dia di trabou a scrap e 20 miyon aki y a pone como extra surplus pa paga debe.

E decision aki di Minister di Finanzas Geoffrey Wever tabata uno hopi ekiboca, paso si a duna FCCA e fianza aki, paso ta un fianza e tabata, FCCA lo a traha e casnan aki y pa 2026, 100 famia lo tin nan propio hogar.

Disponibilidad di trabou cu nan ta haya interesante Aruba su economia ta hopi “eenzijdig”, y ta wardando pa mas di 4 aña caba riba diversificacion di e economia. Actualmente no tin indicadornan pa mustra con hopi e economia a diversifica, y cuanto trabou nobo a traha pa nos hobennan. Nan ta desea un trabou pa asina por mantene nan famia.



Tambe nan ta remarca cu e hecho cu e gobierno aki tin un maneho di personal rond di e ministernan di personanan hopi dudoso cu antecedentenan penal hopi serio, ta duna e hobennan aki e gevoel cu esaki no ta bon pa nan. Parlamentario Wever-Croes a expresa cu esaki ta e motibo pakico su persona a haci e pregunta tocante e “hiring process” di esnan cu a trahando cu e ministernan, y si nan tin mester di e papel di buena conducta, paso si ta asina, ta hopi di esnan cu a sinta den Parlamento cu e ministernan te laat, lo no por tabata sinta eyden.

Gastonan

Un di e gastonanan cu ta referi na dj’e ta e “kresh toeslag”. Parlamentario Rocco Tjon, tempo e tabata minister a traha riba varios proyecto cu a bin cu diferente sistema



di toeslag. Actualmente tin placa pa inverti of pa paga debe, pero no ta uzando e placa aki pa inverti den e ser humano cu tin mas mester di dj’e. No ta invertiendo den nos hobennan cu ta formando nan famia y mester di e sosten financiero.

“Nos hobennan ta importante, nan ta nos futuro generacion. Ban duna nan e speransa bek, ban yudanan pa crea e famia y e hogar cu tanto nan ta desea pa asina nan tambe por duna di nan parti pa hiba Aruba padilanti” Parlamentario Wever-Croes a expresa.

CONCEPTO DI LEY ENTREGA: AYUDO PA TUR MUCHA CU LIMITACION SPECIAL NA CAMINDA

Gobierno di Aruba a haci entrega awe di concepto di ley, un handicapen uitkering, pa mayornan cu muchanan special. Esaki a tuma luga den Sala di Consejo di Minister, na man di Prome Minister di Aruba mr. Mike Eman y colega Minister di Asuntonan Social drs. Mervin Wyatt-Ras.

Ambos minister a cuminsa e tema aki for di su comienso, na inicio for di parlamento, a traha hunto un concepto di ley pa introduci un cambio den e sistema di bijstand pa muchanan cu un cierto limitacion/deshabilidad cu nan y/of nan mayornan por haya un compensacion, como cu na e momentonan aki nan no ta cubri den e bijstand landsverordening di Aruba.

Esaki ta necesario mirando e necesidad cu ta constata cerca mayornan, ta locual cu Premier Eman a indica. Gasto involvi cu muchanan cu limitacion ta hopi mas grandi cu locual comunidad ta mira. E ta un reto grandi.

Na momento cu a haci entrega di e concepto di ley aki, e tempo ey den parlamento, ambos minister a keda pusha y manda diferente carta pa e minister concerni e tempo ey pero e ley no tabata avansa.

Tanto Minister Eman como Minister Wyatt-Ras a sigui traha y haci bishita na varios instituto y asina percura pa tin suficiente conocimiento di e necesidad, cu na momento cu ta den gobierno por traha e ley den un forma perfecciona riba e necesidad cu tin.

Di momento cu a drenta gobernacion 28 di maart (diabierna), pa e siguiente dialuna a inicia e trabounan y boud direccion di Minister Wyatt-Ras, hunto cu

un comision, a traha riba e ley y awe por haci entrega di esaki.

Premier Eman a expresa di ta sumamente contento di por bisa cu den e presupuesto 2026 aproba den parlamento, tin un suma caba poni pa por introduci e ley aki riba fecha di prome di juni 2026.

Minister di Salubridad, Asunto Social, Cuido di Adulto Mayor y Maneho di Adiccion Wyatt-Ras tambe di su banda ta gradici Prome Minister pa a traha hunto y duro pa e concepto di ley aki. En berdad a haya oportunidad di reuni cu diferente instancia, scol, mayornan prome cu a sinta como gobierno y netamente manera a drenta den gobernacion a start e proceso de inmediato pa medio di landspakket, caminda a haya un Wetgevingsjurist Jill Bangert, cu a brinda un sosten enorme na e proceso aki.

Deseo di Minister Wyatt-Ras tabata di ricibi e concepto di ley aki como regalo di Pasco, si ta logra e por a bira un regalo di Sinterklaas y tin di bisa cu Jill Bangert a cumpli, pa dia 5 di december e draft concept tabata riba mesa. E concepto final a pasa den Consejo di Minister y cu aprobacion y su landsbesluit, ademas di suma disponibel den presupuesto, ta haci entrega awe di e concepto di ley na Dienst Wetgeving en Juridische Zaken (DWJZ) den man di George Croes. Tin cu pasa su proceso, den analisis, consejo y duna contesta pa asina e ley por cana su caminda pa Raad va Advies, pa despues drenta parlamento pa aprobacion.

“Un momento hopi emocionante”, ta locual cu Minister Mervin Wyatt-Ras a expresa. Un concepto di Ley cu a bay lihe.

Eleyakilobeneficianosmuchanan/hobennan special inmensamente. E ley anteriormente tabata basa riba edad di 16 aña bay ariba,



mientras cu e concepto nobo aki lo ta di edad di 0 te cu 18 aña. Na momento cu e mayor haya un yiu y cu a constata cu e tin cierto limitacion, e por haci peticion pa yega na e handicapen uitkering, particularmente na muchanan special cu mester di cuido intensivo.

E handicapen uikering aki lo yuda na cubri diferente gasto, manera entre otro cuminda special, test, terapia, cuido (opvang) debi na atencion special cu hopi ta rekeri di dje. Den algun caso tin cierto adaptacion na cas en debi na ekipo special cu e yiu lo ta depende di dje.

Pa locual ta trata e suma, ministernan a informa cu esaki lo bira un suma basico di 500 florin pa cada mucha y na tur mucha cu haci peticion di e uitkering. E ta un base como inicio, mirando cu esaki lo tin cu bay mira e registro pa prome biaha. Adaptacion di e suma lo ta den evaluacion y si ta necesario lo tin adaptacion segun e cantidad di mucha cu lo drenta.

Un stap grandi pa inclusion. Hopi di e muchanan no por yega scol, recrea, ta parti den comunidad como cu transporte, mobilisacion y/of necesidad a pone cu e no

tabata posibel, pero cu e sosten aki e lo yuda pa cada mucha ta inclui den nos sociedad.

Premier Eman a indica tambe cu mirando cada famia su reto y necesidadnan durante nan bishita den barrio, hopi ta mayornan cu tin cu kita di trabou pa asina atende cu yiunan special como cu no tin otro manera pa haci. Entrada di e famia aki ta bira un reto aun mas grandi, peso financiero ta cay hopi pisa riba nan. E compensacion aki sigur lo bay yuda hopi.

Na momento cu tin yiu special na cas, e reto cu ta bin acerca ta for di dokter special, logopedista, psiquiatra, psicologo, cual ta gastonan cu den nan mayoria no ta wordo cubri door di AZV, caminda cu e ayudo aki lo ta uno sumamente importante pa e famianan.

Ta spera di haya reaccion y registracion manera e ley aki drenta na vigor entrante prome di juni 2026, cu e mayornan aplica na e uitkering aki y asina poco poco haya un bista mas amplio di cantidad y necesidad pa asina den e siguiente presupuesto tene cuenta cu e cifranan real, cu na e momento aki ta basta dificil pa calcula pa motibo di e diversidad y complicacionnan cu por tin cerca e grupo aki.

Eduard Pieters di PPA: UN BIAHE PRIVA, UN LEY CLA Y HOPI PREGUNTA SIN CONTESTA

Den politica, no tur pregunta ta un acusacion. Pero tur pregunta merece contesta, specialmente ora ta trata di transparencia, legalidad y uzo di poder publico. E biahe di minister Gerlien Croes den un avion priva a lanta precisamente esaki: e preguntanan serio cu, te dia di awe, no a wordo contesta claramente. Y ora ley ta cla, silencio ta bira preocupante.

Ley di Aviacion: Claridat sin ambigüedad

“Segun investigacion di e leynan di aviacion, e regla ta straight: bo no por paga ningun hende ni compania pa biaha den un avion priva. Punto! Saliendo di e marco legal aki, ta surgi un conclusion importante:

pa motibo di ley, minister Croes no por a paga un persona of un compania pa e biahe aki,” Pieters a vocifera. Sinembargo, den prensa, den un reunion na november y incluso mas trempan den Parlamento, minister Croes a declara cu el a paga “algun shen florin” pa e biahe di trabou den avion priva. E declaracion aki ta crea un contradiccion directo cu loke ley ta permiti.

Ken exactamente minister Croes a paga y pa kico?

“E preguntanan central ta simpel, pero nan tin un peso enorme di integridad y honestidad. El a paga un landing fee? El a paga e dueño di e avion? El a paga un compania? Of

el a ricibi e biahe como un sponsor of regalo? Cada di e opcionnan aki tin su consecuencianan legal y etico diferente. Pero sin claridad, pueblo no por evalua nada. Transparencia no ta un luho; e ta un obligacion pa cualkier mandatario,” Pieters a enfatisa.

Un asunto cu mester haya claridad

Pa fraccion di PPA, esaki no ta un cuestion di asunto personal ni un atake politico. Esaki ta un asunto di principio. Pueblo tin derecho pa sa con un minister ta cumpli cu ley, specialmente ora e mesun ta referi na pago. “Nos kier haya sa den un forma transparente kico precies a pasa,” ta e posicion cla di



PPA. No pa crea scandal, sino pa haya claridad di e asunto aki na un forma corecto, completo y definitivo”.

Finalmente Pieters a indica, cu ora un minister bisa cu el a paga pa un biahe, cu segun ley no por wordo paga, e preguntanan ta legitimo, necesario y urgente. “Silencio of interpretacion no ta proteccion; e ta debilita

confiansa. Si no tin nada pa sconde, transparencia ta e mihor aliado.

Politica responsabel no ta basa riba loke por pasa despercibi. E ta basa riba claridad, transparencia y respet pa ley. Y te ora cu e preguntanan aki haya contesta claramente, biahe priva aki lo sigui keda aire, door di e duda cu e tin rond di dje.

PREVENTIEF FOUILLEREN CARNAVAL 72

Den Carnaval 72 Polis lo controla preventivamente (o sea preventief fouilleren) riba posesion di arma.

Esaki lo bay mescos cu añanan anterior y ta pa hisa e seguridad riba caya y pa baha mas tanto cu ta posibel, e peliger cu arma y cu e uso di arma ta trece cu ne.

E prome parada di Carnaval unda lo ristra preventivamente ta Fakkkel na Oranjestad riba 3 y 4 di januari 2026.

Den cuadro di preventief fouilleren Polis ta autorisa pa para personanan y controla nan na nan paña, pa pidi hende pa habri tas y paki y pa ristra den esakinan, y pa ristra den autonan y otro vehiculonan riba posesion di arma.

Ademas di Fakkkel, e autorisacion pa ristra preventivamente ta encera na Oranjestad Carnaval di Mucha (prome di februari),

Lighting Parade (7 y 8 di februari) y Parada Grandi (15 di februari).

Na San Nicolas e ta encera Jouvert Morning (6 di februari), Carnaval di Mucha (8 di februari), Parada di Luz (12 y 13 di februari) y Parada Grandi (14 di februari).

E agenda di ristramento preventivo ta como lo siguiente:

1. Fakkkel na Oranjestad
 - 3 di januari 2026 di 7 or di anochi pa 4 di januari 2026 pa 7 or di mainta.
2. Carnaval di Mucha na Oranjestad
 - prome di februari 2026 di 12 or di merdia te mey di anochi.
3. Jouvert Morning na San Nicolas
 - 6 di februari 2026 di 10 or di anochi te 7 di februari 2026 pa 11 or di mainta.

4. Lighting Parade na Oranjestad
 - 7 di februari 2026 di 7 or di anochi pa 8 di februari 2026 pa 7 or di mainta.
5. Carnaval di Mucha na San Nicolas
 - 8 di februari 2026 di 12 or di merdia te mey di anochi.
6. Parada di Luz na San Nicolas
 - 12 di februari 2026 di 7 or di anochi te 13 di februari 2026 pa 7 or di mainta.
7. Parada Grandi na San Nicolas
 - 14 di februari 2026 di 11 or di mainta te 11 or di anochi.
8. Parada Grandi na Oranjestad
 - 15 di februari 2026 di 10 or di mainta te 11 or di anochi.

Ministerio Publico ta desea pueblo di Aruba feliz Carnaval 72. Hunto cu Polis, Ministerio Publico lo para pa proteccion di seguridad di tur hende.

TAEKWONDO TEAM ARUBA A ENTREGA VARIOS PREMIO NA E ATLETANAN CU A DESTACA DEN 2025



Den aña 2025 Taekwondo Team Aruba a participa cu e atletanan den varios campeonatonan Nacional y Internacional y tambe na varios Trainings Camp Internacional. Taekwondo Team Aruba sa train 3 biaha pa siman y tur atleta ta registra y firma cu nan a participa na e training duna pa Master Yoshmar Wever coach di Taekwondo Team Aruba. Master Yoshmar Wever a entrega e premio di atleta mas diciplina den 2025 na Quinten Klaber. Master Eric Barry nos Referee Internacional a entrega premio na Rayshawn Nicholson cu a sali atleta mas motiva den 2025 den e categoria di Infantil. Grand Master Melvin Rasmijn a entrega premio na Jeroan Nicholson cu a sali atleta mas motiva 2025 den e categoria di Cadet. Master Jourde Klaber a entrega premio na Wei Jet cu a sali Rookie di Aña 2025. Master Augie Tromp a entrega premio na Rashid Erasmus cu tambe a sali atleta mas diciplina den 2025. Grand Master Melvin



Rasmijn a entrega premio na Tamara Erasmus cu a sali e atleta mas Outstanding den 2025. Masha pabien na tur atleta di Taekwondo Team Aruba cu a logra bon resultado den 2025.

Cede di BBQ Cushina di Nestor

Diadomingo 7 di dec.

Menú

Ham di pasco
1/2 galinja jena
Roast beef mushroom sauce
Lomito mushroom sauce
Bbq mix
Galinja
Loinribs
Lomito
Pincho
Special
Salada batata
Aros con pollo

**Pa pedido por jama
riba 7497071.**
Of pasa na Siribana 45b St Cruz.

Nos kier desea un y tur un
felis dianan di fiesta

Te cu 31 di december por registra cambio di negoshi pa 2025:

KVK LO TA CERA DI 24 DI DECEMBER 2025 TE CU 2 DI JANUARI 2026

Oranjestad –Camara di Comercio y Industria Aruba (KvK) kier a recorda tur empresario pa tene cuenta cu cumplimento cu e rekisitonan necesario pa por cera e aña 2025 cu tur informacion actualisa y alabes anuncia cu nos lo cera pa algun dia durante fin di aña.

KvK lo ta cera pa dlanan di fiesta
KvK ta informa tur su clientenan cu su oficina lo ta cera for di diaranzon, 24 di december 2025 te cu diabierna, 2 di januari 2026. KvK lo habri bek riba dialuna, 5 di januari 2026.

Compania cu no ta activo mas
Si tin un compania cu ta registra na KvK, pero cu esaki no ta activo mas, ta importante pa pone esaki como inactivo of cancela e negoshi den e Registro Comercial mas pronto cu ta posibel. Ley ta stipula cu e persona di e negoshi cu ta autorisa (p.e. doño di e negoshi y/o director) tin e

deber di cancela e negoshi na KvK. A base di e informacion declara door di e persona autorisa, e status di e compania ta wordo cambia den e sistema di KvK. Esaki ta importante tambe ora di haci declaracion di resultadonan di negoshi (cu no ta activo) na Departamento di Impuesto. Fabor di tuma nota cu contribucion anual habri te cu e aña aki mester wordo paga prome cu por cancela e negoshi den e Registro Comercial.

Ultimo dia cu por pasa personalmente na KvK pa cancela un negoshi (“opheffing”) den 2025 ta dia 23 di december 2025. Sinembargo, MyChamber lo keda accesibel y por haci e cambionan online, incluyendo cancela un negoshi, te cu 31 di december 2025. Si bo mester di asistencia pa cancela un negoshi, por pasa libremente tur dia entre 8AM y 12PM of entre 1PM y 4PM te cu 23 di december 2025. Esaki ta conta solamente pa cancela un negoshi. Tur cambio y/

of cancelacion di negoshi cu wordo ricibi online via MyChamber, no mas tarda cu 31 di december, lo conta pa 2025.

Doño di negoshi, directornan y otro miembronan di directiva cu no tin nan informacion of contribucionnan anual na ordo por wordo poni responsabel pa negoshi cu no ta cumpliendo cu ley. Pa por sa mas encuan to datonan den registro y cuentanan habri, por tuma contacto cu KvK na 582-1566 of manda un e-mail respectivamente na registers@arubachamber.com of financial@arubachamber.com. Actualisacion di datos
Segun stipulacion den ley, tur empresario tin e obligacion pa mantene e datos encuan to e adres, estructura y maneho di su negoshi actualisa den e registro di KvK. Por verifica si e datos ta corecto door di consulta e Registro online via e website di KvK (www.arubachamber.com) y si ta necesario por bay den e cuenta (account) di e negoshi via MyChamber y haci e cambio(nan) rekeri pa tin e informacion actual. Por medio di e informacion di contacto (e-mail adres), KvK ta manda informa e comerciante encuan to eventonan y actividadnan pa negoshinan, e.o. workshops, presentacionnan,

misionnan comercial y diferente desaroyonan relevante pa e empresario. Ademas e ta importante pa inversionistanan y/o posibel partner comercial por bin den contacto cu e empresa. Cu actualisacion di e datos bo ta contribui tambe na un Registro di negoshi cu informacion corecto y asina por haci un miho analisis di e.o. e tendencianan y diversidad economico. MyChamber
Ta sumamente importante pa tur negoshi tin un account digital via MyChamber pa nan mes por controla e datos di e compania y alabes haci e cambionan necesario online. Tambe por haci pago via e account, por ehempel pa compra di extracto y otro

documentonan y pago di e contribucion anual, sin mester di acudi fisicamente na e oficina di KvK. Desde 2020 KvK a cuminsa manda e cobransa pa e contribucion anual digitalmente via e online account di e companianan, pesey ta haci un apelacion urgente na tur negoshi cu ainda no tin un online account pa percura pa regla esaki mas pronto posibel via MyChamber. E instruccionnan pa crea un account ta poni riba e website di KvK (bao FAQ’s), pero den caso cu no logra por tuma contacto libremente cu KvK via e chattool riba e website di KvK, na tel. 582-1566, ext. 342/335/330 of via e-mail businessinfo@arubachamber.com.

LEY CU TA LIMITA UZO DI PRODUCTIONAN DI

TABACO



PROTEHANDO SALUD PUBLICO

6 Ta prohibi pa bende of duna productionan di tabaco na personanan bou di 21 aña

 ARUBA LIBER DI TABACO 





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - December 19, 2025

 Sorteo # 4838 3610 6743 9823  FP  Sorteo # 4838 2953  X2  Sorteo # 2894 1176  Sorteo # 4838 3710 Leo  Sorteo # 1712 431  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 110.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 50.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 340.000,- Afl. 460.000,-	 Sorteo # 
--	--	---	--	---

MINISTERIO DI TURISMO, TRANSPORTE Y LABOR DEPARTAMENTO DI LABOR Y INVESTIGACION (DAO)

ORANJESTAD- Ministerio di Turismo, Transporte y Labor hunto cu Departamento di Labor y Investigacion (DAO) ta anuncia un cambio den e limite di salario pa cu aplicacion di e Ordenansa Laboral 2013.

Entrante 1 di januari 2026 ta drenta na vigor un cambio den e ley di salario minimo.

E salario minimo pa luna y pa siman lo wordo adapta pa un salario minimo pa ora y tambe lo coregi e factor pa calcula e salario pa luna. Na e manera aki tur trahado cu tin 18 aña di edad of mas tin derecho riba un salario minimo pa ora independiente di e cantidad di oranan cu e ta traha pa dia of pa siman.

E suma di salario minimo pa un trahado cu tin 18 aña di edad of mas ta bira Afl. 11,58 pa ora. Cu e cambio aki entrante 1 januari 2026 tur dunado di trabou tin un obligacion pa paga su trahadonan no menos cu e salario minimo pa ora. A base di e cantidad di oranan di trabou cumbini den e contracto laboral ta calcula e salario minimo pa siman y/of pa luna.

Como consecuencia di e cambio den e ley di salario minimo pa un salario minimo pa ora e limite di salario pa cu aplicacion di e Ordenansa Laboral 2013 (Arbeidsverordening 2013) tambe lo bay ta ahusta entrante 1 di januari 2026.

E Ordenansa Laboral 2013 ta e ley cu ta regla e condicionnan di trabou manera entre otro e oranan maximo cu por traha pa dia of pa siman, dlanan di sosiego, pago di overtime ora ta surpasa e oranan maximo di trabou y pago extra pa traha riba un dia di fiesta etc.

E Ordenansa Laboral 2013 no ta aplicabel pa tur trahado pero ta conta solamente pa trahadonan cu ta cay bou di e limite di salario.

E limite di salario nobo lo bira entrante 1 di januari 2026, e salario minimo pa luna (a base di un duracion di trabou di 45 ora pa siman) Afl. 2.257,93 x factor 2.5=

Afl. 5.644,83 pa luna. Esaki kiermen cu trahadonan cu ta gana un salario di Afl. 5.644,83 pa luna of Afl. 67.737,96 pa aña of menos, ta haya proteccion di

e Ordenansa Laboral 2013 y tin derecho riba tur e condicionnan di trabou stipula den e ley aki. DAO ta pidi tur trahado y principalmente dunadonan di trabou pa tene bon cuenta cu e cambio aki.

Pa ricibi mas informacion riba e salario minimo pa ora cu ta drenta na vigor 1 januari 2026, por haci uzo di e siguiente instrumentonan:

- E link pa SUELDO app (DAO calculator salario minimo pa ora): <https://daoaruba.com/index.php/sueldo/>
- Documento Frequently Asked Questions (FAQ) riba e salario minimo pa ora disponibel den diferente idioma riba e website di DAO: www.daoaruba.com.
- Documento Frequently Asked Questions (FAQ) pa e grupo specifico di personal domestico riba e salario minimo pa ora disponibel den diferente idioma riba e website di DAO: www.daoaruba.com.
- Por email na : dao.uurloon@gmail.com of por manda un WhatsApp:5936934 (solamente pa pregunta riba salario minimo pa ora).
- Por yama na tel: 5237720 of por bishita oficina di DAO situa na Paardenbaaistraat 11 entre 7:30 am pa 12:00 pm y 1:00 pm pa 3:00 pm.





SOLODIPUEBLO@GMAIL.COM
CEL.585 9500



GRATIS

Scott Stamp world catalogs
NVPH stamp catalogus Nederland
Blanks DVD and Cd,s
DVD casings 1 box
Cassettes blanks 60& 90 minutes
Comic books price guides
Potchi mata plus floreros
VHS Video Films
Domino sets, books etc
cel 5972155

FOR SALE FOR SALE

Items	Price
Kashi chiquito di plastic rimax	50.00
Single bed	200.00
Kashi di panja	500.00
Barstoeken (3)	150.00
Lessenaar 1	150.00
Lessenaar 2	125.00
Frigidaire	250.00
Grasscutter plus gas containers	200.00
Dryer	500.00
Vacuum Cleaner	50.00
Folding plastic white table	75.00
Steel Cabinet good to store tools	100.00
Mesa cu spiel	150.00
Mesa di palo	75.00
Heavy duty paper cutter	50.00
2 Speakers	100.00
Rimax Display rack colored	35.00
For more info 5972155	
email josephr@setarnet aw	

FOR SALE

One 2 PERSON outdoor/indoor
bathtub Jacuzzi
White ,6 feet long x 4 ft wide
in good condition.
For only awg 500.00

Tel 5972155/7461414

BUREAU TRAIMERDIA A TENE SU ULTIMO ENCUENTRO DI AÑA 2025



ORANJESTAD - BTM a celebra su ultimo teambuilding di aña 2025 cu un desayuno di pasco. Conhuntamente a reflexiona riba e trabou cu tur empleado ta eherce cu amor y pasion pa nos muchanan despues di ora di scol.

Durante e mainta directora di BTM, Marelene van der Linde a

expresa su gradicimento na tur empleado pa nan dedicacion durante aña 2025.

Tambe a bin pa dilanti cu na momento cu bo ta wak, sinti y papia di cambio ta significa cu BTM ta progresando y innovando. Esaki solamente tabata posibel door di tin colaboracion y trabou den ekipo. Alabes e directora a

anuncia un proyecto cu lo inicia na januari 2026 na unda BTM lo tin su website y ta bay den e direccion di ta mas automatiza y digitalisa pa su clientenan. BTM a duna elogio na tur empleado pa nan fieldad durante e añanan laborando na BTM.

Pa termina BTM ta extende su mas sincero gradicimento na tur empleado, stakeholders y Ministerio di educacion pa nan dedicacion durante aña 2025.

Alabes ta desea henter Aruba un feliz pasco y un aña 2026 positivo y exitoso.



EVALUACION DI PROPOSICION PA BECA DI DOCTORADO DEN CARIBE A CUMINSA

Proceso di evaluacion pa beca di doctorado Caribeño a cuminsa oficialmente. Despues di un periodo di gran interes cu 126 carta di intencion presenta, 72 di e proposicionnan a pasa pa e siguiente fase. E proposicionnan awor ta evalua pa un comision independiente di evaluacion cu ta conseha cua candidato por desaroya un proposicion completa.

Control y retraso
For di e deadline di 15 di september, NWO a revisa tur pre-proposicion pa comproba nan elegibilidad. A duna e candidatonan varios oportunidad pa ahustanan formularionan,

loke a provoca algun retraso den e ronde. E oportunidad extra aki tabata importante pa duna tur un oportunidad husto. Constelacion di e comision di evaluacion
E team di programa a selecta 27 miembro independiente di e comision cu experticio den e areanan relevante di estudio. A presta extra atencion na e miembronan di region Caribeño, pa asina tene cuenta adecuadamente cu e contexto Caribeño di e estudio. Esaki ta un factor importante pa por evalua adecuadamente e pre-proposicionnan. Composicion di e comision di evaluacion por lesa riba website di NWO.

Planificacion
E miembronan di e comision lo traha riba nan evaluacionnan te cu di dos mita di januari. A base di esey, lo haci un seleccion pa e aplicacionnan completo, pa cual lo entrevista e candidatonan den zomer di 2026. En total, tin 7 beca di doctorado disponibel. Pa evita presion di trabou innecesario, NWO ta spera di admiti 21 candidato pa e ronde final.

Background
E prome ronde di e instrumento nobo di financiamiento di e Beca di Doctorado di Caribe di e Programa di Estudio di Caribe (Programma Caribisch Onderzoek) ta desaroya den e periodo 2024-2025 den



coordinacion cu estudiante di doctorado (candidato) di e parti Caribeño di Reino y di e universidadnan di Aruba, Curaçao y St. Maarten. Lo considera e experiencianan di e prome ronda aki pa mehora e proximo ronda di beca di doctorado Caribeño cu e mesun partidonan.

Mas informacion
Pa informacion detaya tocante e procedimiento di evaluacion, e criterionan di seleccion y calendario, consulta e Call for Proposals completo. Si bo tin algun pregunta, bo por contacta cu e ekipo di suport via phd-caribbean@nwo.nl.

MAS ALIVIO PA PUEBLO

Prome Minister Mike Eman:

Prioridad di Gabinete AVP-Futuro refleha den presupuesto 2026

Presupuesto 2026 a pasa! “Henter nos comunidad por hala un rosea di alivio, cu definitivamente e cambio cu a vota p’e 6 di december 2024, ta den realisacion na e momentonan aki”, ta locual cu Prome Minister di Pais Aruba mr. Mike Eman a expresa diaranson anochi.

Premier Eman ta convenci cu desde awo e sufrimento di nos comunidad, oprimi pa hopi aña largo, a cuminsa termina. E alivio cu votadornan a

expresa durante eleccion, Aruba por cuminsa mira mehoracion manera entre otro e posicion di nos pensionadonan. Den menos di 1 aña di gobernacion a mira aumento di 500 florin Un suma di 250 florin duna directamente na e pensionadonan manera cu a sinta ocho luna pasa y diaranson anochi a pasa un presupuesto cu un siguiente 250 florin adicional di adelanto na tur pensionado. Te na e momento aki un suma di 500 florin di adelanto

pa 22mil pensionado den menos di 1 aña di gobernacion.

Prioridad refleha den presupuesto
Si tin algo cu ta refleha prioridad, duna pueblo, e pais aki y henter nos comunidad e prioridad cu e merece, ta e posicionnan cuatumaden presupuesto 2026. Adelanto pa nos grandinan, maestronan, esnan riba bijstand, esnan cu salario minimo. Cambionan grandi pa cual Aruba a vota, diaranson anocho durante



presupuesto 2026, cu a caba di pasa, a haya su refleho, a haya su base pa e por yega na cada hogar di nos pais.

Aruba ta conoce un gobierno cu a tuma e pasonan pa tur locual a wordo ranca, por bay bek na nos comunidad.

SOPI DI LETRANAN

ARBUSTO
BANCO
CARRETILLA
ESTANQUE
FLORES
FUENTE
INVERNADERO
MANGUERA
PALA
PARTERRE
PLANTAS
SETO
TIJERAS

Z	M	A	N	G	U	E	R	A	M	I	N	W	B
E	T	V	E	U	Q	N	A	T	S	E	Y	O	R
R	E	M	F	U	E	F	B	A	B	A	N	C	O
R	X	X	A	L	A	P	G	O	U	Q	A	D	R
E	O	R	E	D	A	N	R	E	V	N	I	E	N
T	C	A	R	R	E	T	I	L	L	A	O	C	K
R	W	J	X	W	O	S	S	E	R	O	L	F	W
A	K	V	D	S	A	T	A	T	H	W	T	Y	D
P	O	A	D	T	P	F	S	E	R	I	E	B	S
Y	O	T	N	W	U	V	Y	U	J	B	R	K	Z
P	T	A	E	E	Q	W	W	E	B	H	J	R	E
U	L	E	N	S	G	U	R	M	T	R	C	Z	R
P	A	T	Y	K	K	A	G	U	Q	Z	A	I	Z
P	E	X	B	B	S	P	T	R	C	I	G	D	V

SUDOKU

					7			9
3			2				7	6
	5	6	8	4				
		2	9				3	
			7				1	
	4				8			
5		3		8		1		
								8
2	9							

	7		4				5	
3			7					
6		4				8		
8						2		
	3						4	6
9		7			6			8
2					4	1		
		5			8		3	
				2	7			

		1					6	
	4		9					2
				7	3	4		
1			3			7	5	
	3				2			9
5	9		1		6			
8				6			3	
			5	9				1
					4			



Oracion di dia

Un feliz dia bendiciona
yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta difcil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.
Amen

Wherever a beautiful soul has been, there is a trail of beautiful memories.

Agradecido pa tur loke bo a duna nos, nos ta laga bo bay sosega, cu hopi tristeza,
pero cu fe y speransa cu un dia nos lo topa bek. Den pensamiento nos lo ta semper hunto cu bo, cu dolor na nos curason, nos ta participa
fayecimento di nos ser stima,

Francisco Angelos Lopez

Miho conoci “Fijn”
Naci 4 oktober 1949 – Fayece 11 december 2025
Lema: “Better and Better Everyday”

Na number di su:

Yiunan:

Nathalia C. Gerrissen-Lopez y Berry Gerrissen-Lopez
Warren A. Lopez y Elizabeth Lopez
Jade W. Lopez y Deneyra Vazquez

Mama di su yiunan: Lorraine F. Daniel

Su nietonan:

Cataleah Gerrissen-Lopez y Rowen Gerrissen-Lopez
Danielle Solognier, Kevin Solognier, Esther Lopez y Eva Lopez

Rumannan:

†Maria Henriquez-Lopez y †Marco Henriquez
Shonrita, Silvita, Chetty, Leopoldo Henriquez y nan famia
†Elisabeth “Betty” Kelly-Lopez y †Ricardo A. Kelly
Luisito “Ito” Kelly y nan famia
Carmelita “Carmen” Croeze-Lopez y †Mai Croeze
Marcelino “Nino”, Etienne Croeze y nan famia
Mario “Mai” Asuncion Lopez, †Amada Lopez-Albertsz y Eladia Fernandes Pedra
Gala, Mirella, Marcia, Sonya Lopez y nan famia
†Pascualita “Shonlita” Berwald-Lopez y †Luuk Berwald
Francis, Chetty Berwald y nan famia
†Belina Lopez
Fatima, Humphrey Lopez y nan famia
Juan y Gerda Lopez
Gregory, Desmond Lopez y nan famia
†John Lopez
Luisito “Chite” Lopez
Mike, Carolyn Lopez y nan famia
Elisabeth “Elsa” Baselmans-Lopez y John Baselmans
Wouter, Joyce, Micheal van Drunen y nan famia
Urbano “Bano” y Gina Lopez
Jeffrey, Mandy, Melany, Wyatt Lopez y nan famia
Andresito “Desi” y Vivianne Lopez
Carlos, †Sheraldine Lopez y nan famia
Marieta “Mena” Burki-Lopez y Wayne Burki
Emile y Mariella Hassell y nan famia

Demas famia:

Croes, Croeze, Kelly, Werleman, Henriquez, Maduro, Oduber, Tromp, Ginecco, Albertsz, Jong-Baw
Swa & Cuñanan; Tanta & Omonan, Sobrino & Sobrinanan, Primo & Primanan, amigo y coconiernan y bisiñanan
Nos ta pidi disculpa si den nos momento di tristeza nos por a lubida di menciona algun number di famia

To all colleagues and teachers at Milton Peters College; all beloved students; the many sports companions; SXM Road Runners; Tri Sport SXM; Tri Bike Aruba; Aruba Triathlon Association; 297 Sports; Beyond Sports Aruba; IBiSA Aruba; Motions Dance Studio SXM; meditation and yoga groups; salsa groups; Rummikub and Dominoes groups; Chuchubi Foundation; Fijn’s many “brothers from another mother”; all friends and loved ones who became extended family on St. Maarten; and all the caretakers, nurses, doctors, specialists, Club Kibrahacha, Horacio Oduber Hospital, Respaldo, Amilia Care Services, and SABA Aruba Maris Stella.

The funeral will take place on Monday, December 22, 2025, from 8:00 a.m. to 10:00 a.m. From 10:00 a.m. to 11:00 a.m., the doors will be closed, and a private ceremony will be held for the family.

Have “a cup of tea for Mr. Lopez” as we remember the many ways he touched the world around him.

An optional donation, in place of flowers, may be made to the GoFundMe campaign “Better & Better for Mr. Fijn Lopez, Race against Parkinson’s.”

Official link: <https://www.gofundme.com/f/better-and-better-for-mr-fijn-lopez>

